

Buletin **Bandaraya** MAJLIS BANDARAYA ISKANDAR PUTERI

مجلس بندار ايا إسكندر ڨوٽري



Bil.3/2020 UKPA

Laman Web : www.mbig.gov.my | E-mel : admin@mbip.gov.my

| LAWATAN DATUK BANDAR KE TAPAK PASAR MALAM



- LAWATAN KERJA MENTERI BESAR JOHOR KE BANGUNAN PEJABAT BAHRU, MAJLIS BANDARAYA ISKANDAR PUTERI
- LAWATAN KERJA PENGURUSI JAWATANKUASA PERUMAHAN DAN KERAJAAN TEMPATAN NEGERI JOHOR KE MAJLIS BANDARAYA ISKANDAR PUTERI
- PROGRAM KEMBIRI KUCING LIAR DAN PELIHARAAN



SIDANG EDITOR

PENASIHAT

Haji Salehuddin bin Haji Hassan
Datuk Bandar

Haji Abu Bakar bin Mohamed Salleh
Setiausaha

KETUA EDITOR

Puan Salwa binti Abd. Rashid

EDITOR

Puan Siti Nuratiqah binti Abu Amin
Cik Maizatul Akmar binti Rabudin

SIDANG EDITOR

Encik Ahmad Farid bin Amir Hamzah
Puan Farahidah binti Mohamad Aris
Cik Rahila binti Anang Berahim
Puan Hajah Zurina binti Ibrahim
Puan Antasya binti Mohamed
Encik Fakhrul Anuar bin Salleh
Puan Siti Hajar binti Mohd Atan
Puan Ruzitah binti Salleh

PEREKA

Encik Al-Imran bin Ariffin

JURUFOTO

Encik Mohd. Farithrizal bin Md. Zain

PENERBIT

Unit Korporat dan Perhubungan Awam
Majlis Bandaraya Iskandar Puteri
81300 Skudai, Johor.

Telefon : 07-5555000
Call Centre : 1300 80 5000
Faks : 07-5567831
Emel : admin@mbip.gov.my
Whatsapp Aduan : 019 7555404
Twitter : @MBIP
Facebook : Majlis Bandaraya Iskandar Puteri (MBIP)

ISI KANDUNGAN

PERISTIWA

LAWATAN DATUK BANDAR KE TAPAK PASAR MALAM	[03]	MESYUARAT JAWATANKUSAUA BELANJAWAN TAHUN 2021 PIHAK BERKUASA TEMPATAN NEGERI JOHOR	[08]	KURSUS PENATARAN BAHASA	[14]
LAWATAN KERJA PENGERUSI JAWATANKUSAU PERUMAHAN DAN KERAJAAN TEMPATAN NEGERI JOHOR KE MAJLIS BANDARAYA ISKANDAR PUTERI	[03]	PENGAUDITAN PRESTASI TERHADAP PENGURUSAN KENDERAAN	[09]	BENGKEL PENYEDIAAN BAJA KOMPOS DAN TEKNIK PENANAMAN POKOK	[14]
OPERASI BERSEPADU BERSAMA AGENSI LUAR TERHADAP PREMIS WARGA ASING DI KAWASAN MBIP	[04]	BDD: KHIDMAT NASIHAT ICT & KESELAMATAN ICT	[19]	KURSUS PENGOPERASIAN DRON	[15]
MESYUARAT EXIT CONFERENCE PENGAUDITAN PENGURUSAN LESEN INDUSTRI MAJLIS BANDARAYA ISKANDAR PUTERI	[04]	PROGRAM BAZAR KOMUNITI	[10]	KURSUS PEMELIHARAAN EKOSISTEM AKUA MARIN	[15]
LAWATAN KERJA KUMPULAN PRASARANA RAKYAT JOHOR KE MAJLIS BANDARAYA ISKANDAR PUTERI	[05]	HELLO! ISKANDAR PUTERI	[10]	KURSUS CANTAS POKOK ANJURAN KOPERASI ISKANDAR PUTERI BERHAD	[15]
PROGRAM KEMBIRI KUCING LIAR DAN PELIHARAAN	[05]	LAWATAN KERJA MENTERI BESAR JOHOR KE BANGUNAN PEJABAT BAHARU, MAJLIS BANDARAYA ISKANDAR PUTERI	[10]	KURSUS AUDIT DALAMAN MS ISO 9001 : 2015	[16]
PENJANAAN EKONOMI MELALUI SISA KOMPOS MBIP	[06]	TINDAKAN DAN OPERASI PENGUATKUSAAN	[11]	KURSUS PEMANDUAN	[16]
MAJLIS PENYAMPAIAN WATIKAH AHLI FELO & AHLI KORPORAT MIP 2019/2020	[06]	MAJLIS PERASMIAAN "LEGO MURAL"	[12]	"REGIONAL INNOVATION SHOWCASE ON TEAM EXCELLENCE" (RISTEX) ANJURAN PERBADANAN PRODUKTIVITI MALAYSIA (MPC)	[17]
PERTANDINGAN KALENDAR MASYARAKAT RENDAH KARBON ISKANDAR PUTERI 2020	[07]	PERINTAH KAWALAN PERGERAKAN & NORMA BAHARU DALAM PENGENDALIAN MESYUARAT UNIT PUSAT SEHENTI MBIP	[12]	BENGKEL "YOUTUBE" BERSAMA CARDOCK	[17]
PROGRAM BULAN KEMERDEKAAN DAN KIBARAN JALUR GEMILANG TAHUN 2020 ANJURAN AHLI MAJLIS MBIP	[07]	PELAKSANAAN OSC 3.0 "PLUS ONLINE" DI MAJLIS BANDARAYA ISKANDAR PUTERI	[12]	KURSUS PEMANDUAN KENDERAAN BERAT SIRI 1 DAN 2	[17]
TAKLIMAT PENOLONG PESURUHJAYA DAN PENGUASA DAERAH BAGI BANCI PENDUDUK DAN PERUMAHAN MALAYSIA 2020	[08]	MAJLIS RAMAH MESRA BERSAMA YBHG DATO' KETUA PENGARAH PLANMALAYSIA SEMENANJUNG MALAYSIA	[12]	ZOOM	
		KURSUS "HANDS-ON" SISTEM OSC 3.0 "PLUS ONLINE"	[13]	PELANTIKAN KAKITANGAN BAHARU (TETAP / KONTRAK)	[18]
		KURSUS PENGURUSAN RISIKO	[13]	LATIHAN	
		BENGKEL PENGURUSAN FASILITI	[14]		

LAWATAN DATUK BANDAR KE TAPAK PASAR MALAM

Oleh: Editor

Seiring dengan pelaksanaan Perintah Kawalan Pergerakan Pemulihan (PKPP) yang berkuatkuasa pada 10 Jun 2020, Majlis Bandaraya Iskandar Puteri telah membuat penggiliran untuk membuka pasar malam dan pasar pagi dalam kawasan Iskandar Puteri. Sebanyak 17 pasar malam dan 1 pasar pagi telah beroperasi sepanjang PKPP dijalankan. Pelaksanaan operasinya perlu mematuhi jadual penggiliran dan Prosedur Operasi Standard (SOP) yang ditetapkan seiring dengan kebiasaan norma yang baharu. Jumlah peniaga telah dikurangkan sebanyak lima puluh peratus (50%) daripada jumlah asal bagi mematuhi SOP penjarakan. Petugas yang terlibat terdiri daripada Jabatan Kesihatan Awam, Jabatan Penguatkuasaan dan sukarelawan dari MBIP ditempatkan di setiap lokasi di pasar malam dan pasar pagi bagi menjaga kaunter saringan suhu dan mengawal penjarakan sosial pengunjung pasar malam dan pagi.

Pada 2 Julai 2020, YBhg. Tuan Haji Salehuddin bin Haji Hassan, Datuk Bandar Iskandar Puteri telah membuat tinjauan ke tapak pasar malam Jalan Hang Lekir, Taman Skudai Baru untuk melihat sendiri pematuhan SOP oleh peniaga serta pengunjung pasar malam. Turut hadir bersama ke lapangan Tuan Haji Abu Bakar bin Mohamed Salleh, Setiausaha MBIP dan Encik Rahim bin Ahmad, Ahli Majlis MBIP bagi membuat tinjauan di pasar malam tersebut.

Syabas dan tahniah kepada semua petugas serta para peniaga dan pelanggan yang memberikan kerjasama yang baik sepanjang operasi pasar malam diadakan. Bersama-sama kita memutuskan rantaian Covid-19 demi kesejahteraan semua. Semoga pandemik ini segera berakhir dan rakyat dapat menjalani kehidupan seperti biasa.



LAWATAN KERJA PENGERUSI JAWATANKUASA PERUMAHAN DAN KERAJAAN TEMPATAN NEGERI JOHOR KE MAJLIS BANDARAYA ISKANDAR PUTERI

Oleh: Editor

Majlis Bandaraya Iskandar Puteri telah menerima lawatan kerja YB Tuan Haji Ayub bin Jamil, Pengerusi Jawatankuasa Perumahan dan Kerajaan Tempatan Negeri Johor pada 7 Julai 2020 di Dewan Mesyuarat, Majlis Bandaraya Iskandar Puteri.



OPERASI BERSEPADU BERSAMA AGENSI LUAR TERHADAP PREMIS WARGA ASING DI KAWASAN MBIP

Oleh: Fakhrul Anuar bin Salleh

Jabatan Penguatkuasaan telah mengadakan Operasi Bersepadu bersama Pejabat Daerah Johor Bahru, Polis Diraja Malaysia (PDRM) dan Jabatan Imigresen Malaysia terhadap warga asing pada 15 Julai 2020 jam 11.00 pagi hingga 2.00 petang. Operasi telah diadakan di sekitar Bandar Baru Kangkar Pulai, Taman Pulai Indah, Taman Pulai Mutiara, Taman Teratai dan Taman Pulai Perdana. Hasil dari tindakan operasi, sebanyak 9 buah premis perniagaan telah diperiksa dan didapati premis tersebut mempunyai pekerja warga asing dan premis diarahkan tutup serta merta. Seramai 31 orang warga asing telah ditahan dan dibawa ke Depoh Imigresen.

**MESYUARAT “EXIT CONFERENCE” PENGAUDITAN PENGURUSAN LESEN INDUSTRI MAJLIS BANDARAYA ISKANDAR PUTERI**

Oleh: Hajah Zurina binti Haji Ibrahim

Mesyuarat “Exit Conference” Pengauditan Pengurusan Lesen Industri Majlis Bandaraya Iskandar Puteri (MBIP) bersama Encik Mohd Serjana bin Ibrahim, Pengarah Audit Negeri Johor dan Pasukan Audit Jabatan Audit Negara telah diadakan pada 12 Julai 2020 di Dewan Mesyuarat, Majlis Bandaraya Iskandar Puteri.

Mesyuarat diadakan bertujuan untuk mendapatkan penjelasan atau maklum balas daripada pihak pengurusan MBIP terhadap isu penemuan audit sebelum laporan pemerhatian audit dimuktamadkan. Barisan pengurusan MBIP telah diketuai oleh Tuan Haji Abu Bakar bin Mohamed Salleh, Setiausaha MBIP, Ketua-ketua Jabatan dan pegawai-pegawai yang berkaitan dengan skop audit.



LAWATAN KERJA KUMPULAN PRASARANA RAKYAT JOHOR KE MAJLIS BANDARAYA ISKANDAR PUTERI

Oleh: Ahmad Farid bin Amir Hamzah

Majlis Bandaraya Iskandar Puteri telah menerima kunjungan lawatan kerja dari Kumpulan Prasarana Rakyat Johor (KPRJ) pada 16 Julai 2020 (Khamis) di Dewan Mesyuarat Aras 10, MBIP. Lawatan kerja ini telah diketuai oleh YB Dato' Haji Noorazam bin Haji Dato' Osman, Ketua Pegawai Eksekutif KPRJ. Tujuan lawatan adalah sebagai langkah permulaan untuk merealisasikan "Digital Johor" yang telah diilhamkan oleh YAB Ir. Dato' Haji Hasni bin Mohamed, Menteri Besar Johor.

Selain itu, pihak MBIP telah dipilih sebagai perintis bagi melaksanakan projek ini. Perbincangan awal dalam lawatan kerja ini adalah untuk mengenal pasti sistem-sistem yang telah digunakan di MBIP dan mengetahui kaedah untuk dinaiktaraf dan diintegrasikan dengan sistem yang sedia ada. Seterusnya diharapkan segala perancangan dan pelaksanaan dapat dibuat dengan baik dan terancang.



PROGRAM KEMBIRI KUCING LIAR DAN PELIHARAAN

Oleh: Siti Hajar binti Mohd Atan

Unit Zoonosis, Jabatan Kesihatan Awam telah menganjurkan Program Kembiri Kucing Liar dan Peliharaan selama 2 hari pada bulan Julai, Ogos dan September 2020 di Taman Pulai Hijauan dengan kerjasama Badan Bukan Kerajaan (NGO) NOAH Ark. Sepanjang program tersebut diadakan, sebanyak 122 ekor anjing dan 525 ekor kucing telah dikembirikan.

Ini merupakan salah satu program bulanan yang dilaksanakan oleh Jabatan Kesihatan Awam bagi membantu meringankan beban penduduk setempat untuk melaksanakan kembiri kucing dan anjing. Secara tidak langsung, program ini dapat mengatasi populasi anjing dan kucing liar sekali gus dapat mengurangkan aduan kacau ganggu awam yang disebabkan oleh haiwan tersebut.



Peserta yang mendaftar dan menghantar kucing dan anjing peliharaan untuk dikembirikan



Proses kembiri kucing sedang dilaksanakan di bilik rawatan

PENJANAAN EKONOMI MELALUI SISA KOMPOS MBIP

Oleh: Siti Hajar binti Mohd Atan

Sejak tahun 2009, Unit Kawalan Mutu Makanan telah menjalankan aktiviti penjanaan ekonomi melalui sisa kompos. Manakala pada tahun 2020, aktiviti ini telah diteruskan dengan menambah beberapa jenis tanaman. Pada bulan Julai dan Ogos, hasil tanaman ini telah dituai dan dijual kepada kakitangan yang berminat. Hasil tanaman yang ditanam adalah seperti sayur sawi, kangkung, cili merah, cili padi, bayam brasil, pegaga, bendi dan terung merah. Selain itu, baja EM4 turut dikultur dengan menggunakan sayuran dan kekacang yang dibuang, kulit buah-buahan, gula merah dan air basuhan beras.



Hasil tanaman yang dituai dan dijual dikalangan pekerja sekaligus dapat menjana ekonomi melalui sisa kompos.

MAJLIS PENYAMPAIAN WATIKAH AHLI FELO & AHLI KORPORAT MIP 2019/2020

Oleh: Rahila binti Anang Berahim

Majlis Penyerahan Watikah Ahli Felo & Ahli Korporat MIP 2019/2020 kepada Ahli Persatuan Perancang Bandar atau dikenali sebagai "Malaysian Institute of Planners" (MIP) yang membawa gelaran TPr telah diadakan pada 15 Ogos 2020 (Sabtu) di Dewan Seri Melati, Kompleks Perbadanan Putrajaya. Tahniah diucapkan kepada Puan Rosmawati binti Haron dari Unit Pusat Setempat (OSC) dan Puan Ruzanna binti Mohammed dari Jabatan Perancangan dan Pembangunan MBIP telah menerima watikah tersebut.



PERTANDINGAN KALENDAR MASYARAKAT RENDAH KARBON ISKANDAR PUTERI 2020

Oleh: Editor

Majlis Bandaraya Iskandar Puteri (MBIP) telah mengadakan pertandingan Kalendar Masyarakat Rendah Karbon Iskandar Puteri 2020 bermula April hingga November 2020 khasnya untuk komuniti di sekitar MBIP. Pertandingan yang dijalankan bertujuan bagi menggalakkan dan memberi motivasi kepada penduduk setempat Iskandar Puteri untuk membudayakan gaya hidup rendah karbon. Melalui pertandingan tersebut, diharapkan masyarakat lebih peka untuk mengurangkan penggunaan air (M3), elektrik (kWh) dan juga jumlah kitar semula (kg), ianya dapat membantu dunia khususnya MBIP dalam usaha mengurangkan penghasilan karbon.

Pertandingan Kalendar Rendah Karbon Iskandar Puteri 2020 adalah dengan kerjasama Universiti Teknologi Malaysia (UTM) dan "Iskandar Regional Development Authority" (IRDA) dengan jumlah hadiah keseluruhan bernilai sehingga RM20,000. Antara kategori pertandingan

adalah Kategori A: Perumahan Berbilang tingkat dan Kategori B: Perumahan Bertanah. Pertandingan ini telah terbuka kepada semua penduduk di kawasan MBIP.

Hadiah yang ditawarkan adalah sebagai berikut:

Kategori A: Perumahan Berbilang tingkat - Strata di kawasan MBIP

Tempat Pertama: RM2,000.00
Tempat Kedua : RM1,500.00
Tempat Ketiga : RM1,000.00
Saguhati x 11 : RM500.00

Kategori B: Perumahan Bertanah - "Landed" di kawasan MBIP

Tempat Pertama: RM2,000.00
Tempat Kedua : RM1,500.00
Tempat Ketiga : RM1,000.00
Saguhati x 11 : RM500.00

PROGRAM BULAN KEMERDEKAAN DAN KIBARAN JALUR GEMILANG TAHUN 2020 ANJURAN AHLI MAJLIS MBIP

Oleh: Editor

Program Bulan Kemerdekaan dan Kibaran Jalur Gemilang Tahun 2020, anjuran Ahli Majlis Zon Impian Emas, Majlis Bandaraya Iskandar Puteri telah diadakan pada 15 Ogos 2020 (Sabtu) jam 8.30 pagi, di Gelanggang Futsal, Taman Impian Emas. Majlis perasmian program berkenaan telah disempurnakan oleh Encik Rosaidi bin Ibrahim, Ketua Jabatan Kejuruteraan selaku wakil rasmi Datuk Bandar MBIP.



TAKLIMAT PENOLONG PESURUHJAYA DAN PENGUASA DAERAH BAGI BANCI PENDUDUK DAN PERUMAHAN MALAYSIA 2020

Oleh: Editor

Taklimat kepada Penolong Pesuruhjaya dan Penguasa Daerah bagi Banci Penduduk dan Perumahan Malaysia 2020 telah diadakan pada 7 hingga 9 September 2020 bertempat di Dewan Serbaguna MBIP, Skudai. Ucapan perasmian telah disampaikan oleh Tuan Haji Salehuddin bin Haji Hassan, Datuk Bandar MBIP selaku Penolong Pesuruhjaya dan seterusnya menyerahkan folio kepada Penguasa Daerah. Tujuan pelaksanaan taklimat berkenaan adalah untuk memberi pencerahan berkenaan peranan dan tanggungjawab Penolong Pesuruhjaya dan Penguasa Daerah.



MESYUARAT JAWATANKUASA BELANJAWAN TAHUN 2021 PIHK BERKUASA TEMPATAN NEGERI JOHOR

Oleh: Farahidah binti Mohamad Aris

Mesyuarat Jawatankuasa Belanjawan Tahun 2021, Pihak Berkuasa Tempatan Negeri Johor telah diadakan pada 8 September 2020 yang dipengerusikan oleh YB Dato' Haji A. Rahim bin Haji Nin, Pegawai Kewangan Negeri Johor. Mesyuarat ini diadakan pada setiap tahun bertujuan bagi pemeriksaan akhir Belanjawan Tahunan sebelum dikemukakan dan seterusnya untuk diluluskan dalam Majlis Mesyuarat Kerajaan (MMK).

Sehubungan itu, YB Dato' Pengurus mencadangkan kepada pihak Majlis menyediakan peruntukan tambahan dalam Belanjawan Tahun 2021 bagi membantu rakyat yang terkesan dengan penularan wabak Covid-19 di bawah Pakej Rangsangan Ekonomi Ihsan Johor yang melibatkan pengecualian sewa premis, pengurangan fi lesen perniagaan, pengecualian denda lewat cukai harta, pengurangan kompaun serta perolehan peralatan dan bahan kimia bagi tujuan rawatan dan pencegahan wabak dan pemberian kerja undi dibawah PIA dan PIAS. Beliau juga menyarankan agar Belanjawan Tahun 2021 menunjukkan defisit mengambil kira insentif yang akan diberikan kepada rakyat terutamanya dalam kawasan Majlis Bandaraya Iskandar Puteri.



PENGAUDITAN PRESTASI TERHADAP PENGURUSAN KENDERAAN

Oleh: Hajah Zurina binti Haji Ibrahim

Pada 1 hingga 8 September 2020, Unit Audit Dalam, Pejabat Setiausaha Kerajaan Johor (SUKJ) telah membuat audit di Unit Kenderaan, Jabatan Kejuruteraan di bawah Program Audit Prestasi sebagaimana Rancangan Audit Tahun 2020 yang telah diluluskan oleh Jawatankuasa Audit Kerajaan Negeri Johor.

Pasukan Audit telah diketuai oleh Ketua Unit Audit Dalam, Encik Mohd Ezzuddin bin Sanusi dan dibantu oleh seorang Juruaudit dan 8 orang Penolong Juruaudit. Objektif pengauditan adalah untuk memastikan kenderaan jabatan di MBIP telah diurus selaras dengan kehendak Tatacara Pengurusan Kenderaan Kerajaan.



BDD: KHIDMAT NASIHAT ICT & KESELAMATAN ICT

Oleh: Ahmad Farid Bin Amir Hamzah

Bahagian Teknologi Maklumat telah menganjurkan Program "Bridge Digital Divide": Khidmat Nasihat ICT dan Keselamatan ICT telah diadakan pada 2 September 2020 di Ruang Kaunter, Bangunan MBIP. Risalah berkenaan dengan keselamatan ICT juga telah diedarkan kepada orang ramai. Terdapat 13 tajuk risalah yang telah diedarkan kepada orang ramai yang hadir pada program berkenaan. Semuanya adalah berkenaan keselamatan ICT semasa tempoh Perintah Kawalan Pergerakan (PKP)

Selain dari itu, Bahagian Teknologi Maklumat juga menawarkan khidmat membaik pulih komputer riba secara percuma kepada orang ramai yang hadir sekiranya tidak melibatkan pembelian barang yang rosak.



PROGRAM BAZAR KOMUNITI

Oleh: Editor

Pada 5 September 2020, Yayasan Penyayang Iskandar Puteri telah menganjurkan program bersama masyarakat iaitu Program Bazar Komuniti di Tapak Bazar Ramadan, Taman Sri Pulai. Jualan murah diadakan bermula jam 8.00 pagi sehingga 12.00 tengah hari. Melalui program ini, penduduk Taman Sri Pulai berpeluang mendapatkan barang keperluan harian seperti gula, minyak masak, beras, ayam, daging dan lain-lain dengan harga yang lebih murah dan berpatutan dari harga pasaran. Turut hadir bersama Tuan Haji Mohammad Khairi bin Haji A. Malik, Pengerusi Yayasan Penyayang Iskandar Puteri bagi menjayakan program tersebut. Melalui program ini, pihak penganjur sentiasa mengingatkan orang ramai yang hadir memakai pelitup muka dan sentiasa mematuhi SOP PKPP.

HELLO! ISKANDAR PUTERI

Oleh: Editor

Program "Hello! Iskandar Puteri" istimewa bersama Tuan Haji Abu Bakar bin Mohamed Salleh, Setiausaha Majlis Bandaraya Iskandar Puteri telah dianjurkan oleh Yayasan Penyayang Iskandar Puteri pada 5 September 2020 jam 12.00 tengah hari. Program ini diadakan secara langsung di saluran "Facebook" dan "YouTube" Yayasan Penyayang Iskandar Puteri bagi membincangkan peranan dan inisiatif yang digerakkan oleh MBIP terhadap pembangunan komuniti di kawasan Iskandar Puteri terutamanya dalam keadaan semasa.

LAWATAN KERJA MENTERI BESAR JOHOR KE BANGUNAN PEJABAT BAHRU, MAJLIS BANDARAYA ISKANDAR PUTERI

Oleh: Editor

Pada 6 September 2020, Yang Amat Berhormat Datuk Haji Hasni bin Mohammad, Menteri Besar Johor telah mengadakan lawatan kerja ke Bangunan Pejabat Baharu, Majlis Bandaraya Iskandar Puteri di Medini. Turut mengiringi YB Tuan Haji Ayub bin Jamil, Pengerusi Perumahan dan Kerajaan Tempatan dan YB Tuan Amir bin Nasruddin, Penasihat Undang-Undang Negeri Johor.

Taklimat telah disampaikan oleh YBhg. Tuan Haji Salehuddin bin Haji Hassan, Datuk Bandar Iskandar Puteri. Rombongan turut dibawa melawat ke bangunan pejabat baharu yang masih dalam proses pembinaan.



TINDAKAN DAN OPERASI PENGUATKUASAAN BAGI BULAN JULAI, OGOS DAN SEPTEMBER

Oleh: Fakhrul Anuar bin Salleh


OPERASI BERSEPADU BERSAMA AGENSI LUAR TERHADAP PREMIS WARGA ASING

Jabatan Penguatuasaan, Majlis Bandaraya Iskandar Puteri (MBIP) telah mengadakan operasi bersepadu terhadap premis warga asing dengan kerjasama Pejabat Daerah Johor Bahru, Polis Diraja Malaysia (PDRM) dan Jabatan Imigresen Malaysia di Taman Nusa Perintis, Bandar Medini Iskandar, Taman Ungku Tun Aminah dan Taman Sri Skudai. Tindakan dilakukan terhadap warga asing yang tiada permit perjalanan yang sah.



OPERASI MELUPUSKAN IKLAN HARAM/BANNER TANPA PERMIT

Operasi melupuskan iklan haram dan banner tanpa permit yang telah dilaksanakan di Taman Mutiara Rini, Taman Skudai Indah, Taman Desa Skudai, Taman Perling dan Gelang Patah. Hasil tindakan dapat sebanyak 565 unit iklan haram telah berjaya dilupuskan oleh anggota penguatkuasa.




TINDAKAN SITA GAGAL PATUHI NOTIS

Pada 20 Julai 2020, Unit Letak Kereta (ULK), Jabatan Penguatuasaan telah menjalankan tindakan Sita Gagal Patuhi Notis supaya memberhentikan perniagaan di Taman Nusa Perintis 2, Gelang Patah. Tindakan telah dilakukan terhadap premis perniagaan yang tidak memiliki lesen perniagaan dan tidak mematuhi notis henti niaga (NHN) yang dikeluarkan oleh pihak majlis.



OPERASI BERSEPADU BERSAMA AGENSI LUAR TERHADAP PREMIS BERISIKO PUSAT JUDI ONLINE

Operasi bersepadu terhadap premis berisiko pusat judi online telah diadakan pada 27 Ogos 2020 (Khamis) dengan kerjasama Polis Diraja Malaysia (PDRM). Hasil tindakan dilaksanakan PDRM telah berjaya membuat 9 tangkapan manakala 1 lesen telah ditarik semula, 1 notis henti niaga (NHN) dan 1 kompaun telah dikeluarkan serta 3 premis telah diarahkan tutup oleh pihak MBIP.



OPERASI BERSEPADU TERHADAP PREMIS PERNIAGAAN TANPA LESEN

Operasi Bersepadu Terhadap Premis Perniagaan Tanpa Lesen telah diadakan pada 28 Ogos 2020 yang dikendalikan oleh Jabatan Penguatuasaan MBIP, Jabatan Bangunan MBIP dengan kerjasama Polis Bantuan dan TNB di Jalan Sentral 1, Taman Nusa Sentral, Nusajaya. Hasil tindakan operasi, beberapa peralatan perniagaan yang disyaki untuk tujuan menjalankan perniagaan telah disita dan 1 Notis Henti Niaga (NHN) telah dikeluarkan dengan serta merta terhadap peniaga yang gagal mematuhi syarat yang ditetapkan oleh pihak majlis.



OPERASI BERSEPADU BERSAMA AGENSI LUAR TERHADAP PREMIS PUB, BISTRO DAN PUSAT KARAOKE

Pada 5 September 2020, Jabatan Penguatuasaan, Jabatan Kesihatan Awam MBIP dan Agensi Anti Dادah Kebangsaan (AADK) telah menjalankan operasi bersepadu bersama agensi luar terhadap premis PUB, Bistro dan Pusat Karaoke di Taman Sutera dan Puteri Harbour. Sebanyak 2 premis telah diperiksa dan seramai 30 orang telah diperiksa "urine test" secara rambang serta 1 tangkapan telah dilakukan oleh pihak AADK.



MAJLIS PERASMIAN “LEGO MURAL”

Oleh: Editor

Majlis Perasmian “LEGO MURAL” bagi menghargai Petugas Barisan Hadapan Covid-19 telah diadakan pada 11 September 2020 di Legoland Malaysia, Iskandar Puteri. Dalam majlis tersebut, penyampaian mock up tiket masuk percuma ke Taman Tema Legoland telah disampaikan oleh YAB Datuk Haji Hasni bin Haji Mohammed, Menteri Besar Johor. Turut hadir YB Dato’ Sri Dr. Adham bin Baba, Menteri Kesihatan, YB Dato’ Sri Hajah Nancy Shukri, Menteri Pelancongan, Seni dan Budaya Malaysia dan Tuan Haji Salehuddin Bin Haji Hassan, Datuk Bandar Iskandar Puteri.



PERINTAH KAWALAN PERGERAKAN & NORMA BAHRU DALAM PENGENDALIAN MESYUARAT UNIT PUSAT SETEMPAT MBIP

Oleh: Rahila binti Anang Berahim

Selaras dengan Perintah Kawalan Pergerakan (PKP) Fasa 1 hingga Fasa 4 yang bermula dari 18 Mac 2020 sehingga 12 Mei 2020 di seluruh Malaysia (melalui Warta Kerajaan Persekutuan [P.U. (A) 91] bertarikh 18 Mac 2020 turut meliputi penutupan semua premis pejabat Pihak Berkuasa Tempatan), Mesyuarat Jawatankuasa Pusat Sehenti Bil. 3/2020(2), Bil. 4/2020(1), Bil. 4/2020(2), Bil. 5/2020(1) dan Bil. 5/2020(2) tidak dapat dijalankan pada tarikh yang ditetapkan.

Sehinggalah pada 23 Jun 2020 (Selasa), Mesyuarat Jawatankuasa Pusat Setempat Bil. 6/2020(1) dapat diteruskan semula dalam suasana norma baharu iaitu perlu dilaksanakan secara “online”. Bagi ahli jawatankuasa mesyuarat, bilangan kehadiran yang memasuki ke dalam dewan mesyuarat terpaksa dihadkan bagi mengekalkan jarak fizikal iaitu 1 meter untuk mengekang penularan wabak Covid-19.

Aplikasi “CISCO Webex meeting” adalah medium yang telah digunakan semasa mesyuarat secara “online” ini dimana ahli mesyuarat yang terdiri daripada teknikal dalaman MBIP dibenarkan berada di dalam dewan mesyuarat manakala agensi teknikal luaran tidak dibenarkan hadir ke dewan mesyuarat tetapi berada di lokasi masing-masing iaitu sama ada di rumah (work from home) maupun berada di pejabat. Kerjasama yang diberikan oleh semua agensi teknikal luaran amat menggalakkan justeru itu perjalanan mesyuarat OSC telah dapat dilaksanakan dengan jayanya dengan hanya “minor” gangguan teknikal semasa mesyuarat secara “online”.

PELAKSANAAN OSC 3.0 “PLUS ONLINE” DI MAJLIS BANDARAYA ISKANDAR PUTERI

Oleh: Rahila binti Anang Berahim

Majlis Bandaraya Iskandar Puteri telah diletakkan di dalam Fasa 2 pelaksanaan OSC 3.0 “PLUS ONLINE” bersama-sama Majlis Bandaraya Johor Bahru (MBJB) dan enam (6) Pihak Berkuasa Tempatan bertaraf Majlis Perbandaran di Johor berserta 36 PBT lain di Malaysia dengan jadual pelaksanaan (Go Live) Sistem OSC 3.0 “Plus Online” bermula pada 10 Jun 2020 dan 29 Jun 2020. Pihak PBT hanya diberi tempoh masa dua (2) minggu dari tarikh “Go Live” tersebut bagi melaksanakan sepenuhnya sistem ini.

MAJLIS RAMAH MESRA BERSAMA YBHG DATO' KETUA PENGARAH PLANMALAYSIA SEMENANJUNG MALAYSIA

Oleh: Rahila binti Anang Berahim

Majlis Ramah Mesra YBhg. Dato' TPr. Mohd Anuar bin Maidin, Ketua Pengarah PLANMalaysia bersama warga kerja PLANMalaysia@Johor, Pegawai Unit OSC PBT Johor dan Pegawai Kader telah diadakan pada 13 September 2020 bertempat di Bangunan Dato' Jaafar Muhammad, Kota Iskandar Johor Bahru. Majlis ini dianjurkan oleh PLANMalaysia@Johor sempena lawatan YBhg Dato' Anuar ke negeri Johor sebelum beliau bersara pada Oktober 2020.

KURSUS “HANDS-ON” SISTEM OSC 3.0 PLUS ONLINE

Oleh: Antasya binti Mohamed

Kursus “Hands-On” Sistem OSC 3.0 “Plus Online” telah diadakan pada 5 Julai 2020 bagi mendapatkan pendedahan daripada wakil Pihak Berkuasa Tempatan yang telah melaksanakan Sistem OSC 3.0 “Plus Online” tersebut iaitu daripada pihak PBT OSC Majlis Perbandaran Batu Pahat selaku PBT perintis fasa pertama. Majlis Bandaraya Iskandar Puteri (MBIP) pula antara PBT yang terpilih sebagai PBT perintis fasa kedua untuk melaksanakan OSC 3.0 “Plus Online” dan pihak Jabatan Kerajaan Tempatan (JKT) telah mengarahkan MBIP untuk melaksanakan “Go Live” Sistem OSC 3.0 “Plus Online” dan diberi tempoh masa dua (2) minggu bagi melaksanakan Sistem OSC 3.0 “Plus Online” tersebut.

Kursus ini telah disampaikan oleh Encik Muhammad Azan bin Mohamed Shukor, Pegawai Perancang Bandar dan Desa J41 dan Encik Mohd Norman bin Hosrin (Kosrin), Penolong Pegawai Perancang Bandar dan Desa J29 dari Majlis Perbandaran Batu Pahat. MPBP merupakan PBT perintis bagi Fasa 1 OSC 3.0 “Plus Online” untuk membantu pihak MBIP mengendalikan “hands-on” / latihan intensif. Taklimat yang diadakan kali ini melibatkan Unit Pusat Sehenti, Ketua-ketua Jabatan MBIP dan pegawai-pegawai MBIP yang terlibat dengan OSC.

Melalui kursus ini kakitangan dapat mempelajari dan memahami proses OSC 3 “Plus Online” yang dilaksanakan secara “online” serta memberi peluang kepada kakitangan untuk menimba ilmu dalam pelbagai aspek khususnya dalam melaksanakan OSC 3 “Plus Online” di peringkat PBT.



KURSUS PENGURUSAN RISIKO

Oleh: Antasya binti Mohamed

Kursus Pengurusan Risiko telah diadakan pada 19 hingga 21 Julai 2020 bertempat di Dewan Nautilus, Aras 8 Hotel Trove, Johor Bahru dan dihadiri seramai 52 orang peserta. Kursus ini telah disampaikan oleh Cik Hanida binti Ghazali, Pengasas HG Skills Enterprise bagi memberi pendedahan kepada peserta yang telah dilantik sebagai Pegawai Pengurusan Risiko Jabatan/Bahagian/Unit serta Ketua Jabatan/Bahagian/Unit. Pengurusan Risiko merupakan elemen baharu yang diterapkan di dalam ISO 9001:2015. Risiko ini penting kepada organisasi kerana kemungkinan sesuatu peristiwa atau aktiviti yang memberi kesan kepada organisasi. Oleh itu, pengurusan risiko perlu diterapkan dalam organisasi bagi menyelaras aktiviti organisasi secara bersepudu melalui penetapan hala tuju dan kawalan dalam menghadapi risiko.



BENGKEL PENGURUSAN FASILITI

Oleh: Antasya binti Mohamed

Bengkel Pengurusan Fasiliti telah diadakan pada 4 dan 5 Ogos 2020 bertempat di Dewan Langit, Hotel Amerin, Taman Perling dan dihadiri seramai 36 orang peserta. Kursus ini telah disampaikan oleh Encik Amir Farid dan Omar, Pengurus Trans Facilities Management Sdn. Bhd bagi memberi pemahaman kepada peserta tentang konsep perkhidmatan fasiliti dan penyenggaraan bangunan/ infrastruktur secara bersepadu. Amalan penjagaan fasiliti merupakan kombinasi antara aktiviti operasi dan penyelenggaraan serta perkhidmatan fasiliti. Pengurusan Fasiliti atau “Facility Management” (FM) telah menekankan kepentingan menguruskan kemudahan dan persekitaran yang dibina supaya ia memenuhi tujuan reka bentuk dan fungsi bangunan dan memberi kepuasan kepada pelanggan dan pengguna.



KURSUS PENATARAN BAHASA

Oleh: Antasya binti Mohamed

Kursus Penataran Bahasa telah diadakan pada 9 dan 10 Ogos 2020 bertempat di Dewan Langit, Hotel Amerin, Taman Perling dan dihadiri seramai 45 orang peserta. Kursus ini telah disampaikan oleh Encik Azhar bin Salleh, Munshi Dewan, Dewan Bahasa dan Pustaka. Kursus ini menggunakan medium pembelajaran dan pengetahuan tentang penggunaan Bahasa Melayu dengan betul dan tepat dari segi ejaan dan juga penulisan. Selain itu, kursus ini boleh membantu pekerja-pekerja untuk menulis sebarang surat dari aspek penulisan yang berhemah dengan penggunaan perkataan tertentu di dalam sebarang bentuk penulisan mahupun rasmi atau tidak rasmi. Kursus ini bukan sahaja dapat membantu memperbaiki cara penulisan yang berhemah malah membantu pekerja untuk menyesuaikan diri dalam mendalami bahasa ibunda dengan lebih berkesan.

BENGKEL PENYEDIAAN BAJA KOMPOS DAN TEKNIK PENANAMAN POKOK

Oleh: Editor

Majlis Bandaraya Iskandar Puteri dengan kerjasama Sutera “Good Earth” dan Universiti Teknologi Malaysia (UTM) telah mengadakan Bengkel Penyediaan Baja Kompos dan Teknik Penanaman Pokok pada 16 Ogos 2020. Bengkel diadakan bertujuan memberikan pendedahan kepada komuniti berkenaan pengkomposan di samping dapat mempelajari teknik pengkomposan lestari dan teknik-teknik asas pengkomposan yang diajar oleh tenaga pengajar dari UTM. Selain itu, MBIP juga memperkenalkan projek inovasi tong kompos iaitu C-Bin daripada Jabatan Perancangan Pembangunan MBIP. Seramai 50 orang peserta yang hadir terdiri dari sektor kerajaan, Badan Bukan Kerajaan (NGO) dan sektor swasta.



KURSUS PENGOPERASIAN DRON

Oleh: Antasya binti Mohamed

Kursus Pengoperasian Dron telah diadakan pada 1 dan 2 September 2020 bertempat di Makmal Komputer, Aras 9, MBIP dan dihadiri seramai 19 orang peserta. Kursus ini telah dikendalikan oleh “Geoinfo Services” Sdn Bhd. Tujuan kursus diadakan adalah untuk memberi pendedahan kepada kakitangan berkenaan teknik dan prosedur yang betul dalam pengoperasian “Dron”. Melalui kursus ini, peserta akan memahami keupayaan “Dron” dalam pemetaan, pemprosesan data dan perekodan video. Selain itu, peserta akan mengenal pasti teknik dan cara bagi menghasilkan gambaran 2D dan 3D semasa pengoperasian Dron. Peserta juga dapat meningkatkan kemahiran dalam mengendalikan “Dron” jabatan.

KURSUS PEMELIHARAAN EKOSISTEM AKUA MARIN

Oleh: Antasya binti Mohamed

Kursus Pemeliharaan Ekosistem Akua Marin telah diadakan pada 1 hingga 3 September 2020 bertempat di Sekakap Mersing dan Taman Laut Sultan Ibrahim dan dihadiri seramai 10 peserta. Kursus ini telah dikendalikan oleh “Big Brother Dive Center” bagi meningkatkan pengetahuan berhubung kepentingan kehidupan akua marin terhadap alam sekitar. Selain itu memastikan teknik yang betul bagi pemeliharaan ekosistem akua marin serta memberi kesedaran terhadap pemeliharaan terumbu karang.



KURSUS CANTAS POKOK ANJURAN KOPERASI ISKANDAR PUTERI BERHAD

Oleh: Ruzitah binti Salleh

Unit Tebang Cantas, Jabatan Landskap telah bekerjasama dengan kontraktor yang dilantik dalam Kursus Penyelenggaraan Landskap iaitu teknik cantasan pokok melalui pendekatan arborikultur dan bengkel pembangunan SOP kerja-kerja cantasan pokok selama dua hari 7 dan 8 September 2020 di Hotel Impiana. Tujuan pelaksanaan kursus ini bagi memberi pendedahan kepada peserta berkenaan proses perancangan, perlaksanaan serta pengurusan kerja-kerja penyelenggaraan landskap. Selain itu, memahami teknik-teknik penyelenggaraan tanaman landskap terutamanya aktiviti pemangkasan/penebangan pokok melalui amalan Arborikultur.



KURSUS AUDIT DALAMAN MS ISO 9001 : 2015

Oleh: Antasya binti Mohamed

Kursus Audit Dalaman MS ISO 9001:2015 telah diadakan pada 17 hingga 19 Ogos 2020 bertempat di Hotel Holiday Villa, Johor Bahru. Kursus ini telah disampaikan oleh Cik Hanida binti Ghazali, Pengasas HG Skills Enterprise bagi memberi pendedahan kepada juruaudit dalaman yang dilantik tentang kualiti produk dan perkhidmatan bagi memenuhi keperluan dan jangkaan pelanggan. Tujuan pelaksanaan kursus ini bagi meningkatkan pengetahuan dan kemahiran juruaudit terhadap klausu MS ISO. Selain itu juga, melalui kursus ini dapat meningkatkan kompetensi juruaudit dalam melakukan tugas-tugas pengauditan serta membolehkan juruaudit berkebolehan dalam memberikan syor penambahbaikan yang efektif.



KURSUS PEMANDUAN

Oleh: Antasya binti Mohamed

Kursus Pemanduan Berhemah Siri 1 dan 2 telah diadakan pada 23 hingga 26 Ogos 2020 bertempat di Hotel Le Grandeur Palm Resort, Senai, Johor yang dikendalikan oleh Encik Hashim bin Yaakob, Budiman Associates. Objektif diadakan khusus kepada semua pemandu dan pemandu gantian untuk memenuhi keperluan Pekeliling Perbendaharaan Bil. 2 Tahun 1980 agar semua kenderaan jabatan dapat diuruskan dan diselenggarakan dengan baik termasuk unsur-unsur pembelian minyak dan sebagainya. Melalui kursus ini, latihan secara teori dan praktikal telah diberikan supaya dapat memberi kesan yang lebih kepada peserta.

Di awal kursus, peserta diberikan pendedahan dengan komponen serta penyelenggaraan asas berkaitan kenderaan supaya dapat memberi gambaran awal. Selain itu, pengetahuan kaedah yang betul semasa melakukan kerja penjagaan serta penyelenggaraan bagi mengenal pasti sesuatu komponen yang tidak boleh digunakan atau menjadi bahaya jika berterusan. Segala yang dipelajari dapat dijadikan sebagai penanda aras dan panduan.



KURSUS AUDIT DALAMAN MS ISO 9001 : 2015

Oleh: Antasya binti Mohamed

Kursus Audit Dalaman MS ISO 9001:2015 telah diadakan pada 17 hingga 19 Ogos 2020 bertempat di Hotel Holiday Villa, Johor Bahru. Kursus ini telah disampaikan oleh Cik Hanida binti Ghazali, Pengasas HG Skills Enterprise bagi memberi pendedahan kepada juruaudit dalaman yang dilantik tentang kualiti produk dan perkhidmatan bagi memenuhi keperluan dan jangkaan pelanggan. Tujuan pelaksanaan kursus ini bagi meningkatkan pengetahuan dan kemahiran juruaudit terhadap klausu MS ISO. Selain itu juga, melalui kursus ini dapat meningkatkan kompetensi juruaudit dalam melakukan tugas-tugas pengauditan serta membolehkan juruaudit berkebolehan dalam memberikan syor penambahbaikan yang efektif.



KURSUS PEMANDUAN

Oleh: Antasya binti Mohamed

Kursus Pemanduan Berhemah Siri 1 dan 2 telah diadakan pada 23 hingga 26 Ogos 2020 bertempat di Hotel Le Grandeur Palm Resort, Senai, Johor yang dikendalikan oleh Encik Hashim bin Yaakob, Budiman Associates. Objektif diadakan khusus kepada semua pemandu dan pemandu gantian untuk memenuhi keperluan Pekeliling Perbendaharaan Bil. 2 Tahun 1980 agar semua kenderaan jabatan dapat diuruskan dan diselenggarakan dengan baik termasuk unsur-unsur pembelian minyak dan sebagainya. Melalui kursus ini, latihan secara teori dan praktikal telah diberikan supaya dapat memberi kesan yang lebih kepada peserta.

Di awal kursus, peserta diberikan pendedahan dengan komponen serta penyelenggaraan asas berkaitan kenderaan supaya dapat memberi gambaran awal. Selain itu, pengetahuan kaedah yang betul semasa melakukan kerja penjagaan serta penyelenggaraan bagi mengenal pasti sesuatu komponen yang tidak boleh digunakan atau menjadi bahaya jika berterusan. Segala yang dipelajari dapat dijadikan sebagai penanda aras dan panduan.



PELANTIKAN KAKITANGAN BAHARU (TETAP / KONTRAK)

Oleh: Antasya binti Mohamed

Majlis Bandaraya Iskandar Puteri telah membuat pengambilan kakitangan baharu bagi mengisi kekosongan jawatan. Syabas dan tahniah diucapkan kepada mereka yang telah dilantik dalam perkhidmatan awam. Pihak Majlis berharap agar mereka dapat menjalankan tugas yang diberikan dengan penuh dedikasi, amanah dan tanggungjawab.

Butiran kakitangan adalah sebagaimana berikut:

NAMA : **NOR AKLIMA BINTI KHIDIR**
JAWATAN : JURUTERA J41(TETAP)
JABATAN : JABATAN KEJURUTERAAN



NAMA : **MUHAMMAD KHALID BIN SULAIMAN**
JAWATAN : JURUTERA J41(KONTRAK)
JABATAN : JABATAN KEJURUTERAAN



NAMA : **MOHAMAD SHAHRUL IZWAN BIN AZMAN**
JAWATAN : JURUTERA J41(KONTRAK)
JABATAN : JABATAN KEJURUTERAAN



NAMA : **MOHAMAD NASHRUDIN BIN MOHD ARIS**
JAWATAN : ARKITEK LANDSKAP J41(KONTRAK)
JABATAN : JABATAN LANDSKAP



NAMA : **RIA DELFIA BINTI WARNIS**
JAWATAN : ARKITEK LANDSKAP J41(KONTRAK)
JABATAN : JABATAN LANDSKAP



NAMA : **MOHD AFIQ BIN ZULKEPLI**
JAWATAN : JURUUKUR BAHAN J41(KONTRAK)
JABATAN : UNIT PEROLEHAN, JABATAN KHIDMAT PENGURUSAN



NAMA : **KHAIRUL AZIZI BIN AZIS**
JAWATAN : PENOLONG PEGAWAI TADBIR N29 (TETAP)
JABATAN : JABATAN PEMBANGUNAN MASYARAKAT



NAMA : **MOHAMAD QAMARUL HAZEQ BIN MOHAMAD RIDZA**
JAWATAN : PENOLONG PEGAWAI TADBIR N29 (KONTRAK)
JABATAN : UNIT UNDANG-UNDANG



NAMA : **MUHAMMAD HAIRUDDIN BIN BAKRIN**
JAWATAN : PENOLONG PEGAWAI TADBIR N29 (KONTRAK)
JABATAN : BAHAGIAN SUMBER MANUSIA



NAMA : **MUHAMMAD SYAIFIQ NIZAM BIN ZULKIPLI**
JAWATAN : PENOLONG PEGAWAI TADBIR N29 (KONTRAK)
JABATAN : UNIT PEROLEHAN, JABATAN KHIDMAT PENGURUSAN



NAMA : **SHAHRIL IZWAN BIN ABDULLAH**
JAWATAN : PENOLONG PEGAWAI TADBIR N29 (KONTRAK)
JABATAN : JABATAN KEJURUTERAAN



NAMA : **NURAFIQAH BINTI MOHD KHIR JOHARI**
JAWATAN : PENOLONG PEGAWAI TADBIR N29 (KONTRAK)
JABATAN : JABATAN KEJURUTERAAN



NAMA : **SITI NURATIQAH BINTI ABU AMIN**
JAWATAN : PENOLONG PEGAWAI TADBIR N29 (KONTRAK)
JABATAN : UNIT KORPORAT DAN PERHUBUNGAN AWAM



NAMA : **NUR HANIAN ATHIRAH BINTI MOHD ZALI**
JAWATAN : PENOLONG PEGAWAI TADBIR N29 (KONTRAK)
JABATAN : BAHAGIAN PELESENAN



NAMA : **NORAMIRAH BINTI KAMALZAMAN**
JAWATAN : PEGAWAI KHIDMAT PELANGGAN N19 (KONTRAK)
JABATAN : UNIT KORPORAT DAN PERHUBUNGAN AWAM





Hotline Call Centre

MAJLIS BANDARAYA ISKANDAR PUTERI

1-300-80-5000

ADUAN | PERTANYAAN | MASALAH



SUDAHKAN ANDA MENJELASKAN
CUKAI HARTA?

MAJLIS BANDARAYA ISKANDAR PUTERI

SEBARANG PERTANYAAN SILA HUBUNGI :
JABATAN PENILAIAN, UNIT TUNGGAKAN CUKAI
TEL : 07-5555000 FAX : 07-5542644
LAMAN WEB : www.m bip.gov.my
EMAIL : cukai@m bip.gov.my



ELAKKAN :
-DIKENAKAN NOTIS
-HARTA DISITA
-TINDAKAN UNDANG-UNDANG

PENGGAL PERTAMA : 1 JANUARI - 28 FEBRUARI
PENGGAL KEDUA : 1 JULAI - 31 OGOS